

ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ

ք. Երևան

«01» «03» 2022 թ.

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ Պատվիրատու)՝ ի դեմս նախարարության կանոնադրության հիման վրա գործող գլխավոր քարտուղար Գ. Սաֆարյանի, մի կողմից, և «Ա. Իսահակյանի տուն-թանգարան» պետական ոչ առևտրային կազմակերպությունը (այսուհետ՝ Կատարող)՝ ի դեմս կազմակերպության կանոնադրության հիման վրա գործող տնօրեն Ա. Խորենյանի, մյուս կողմից, (այսուհետ՝ միասին՝ Կողմեր), կնքեցին սույն պայմանագիրը (այսուհետ՝ Պայմանագիր) հետևյալի մասին:

**I. ՊԱՅՄԱՆԱԳՐԻ ԱՌԱՐԿԱՆ**

1.1. Պատվիրատուն հանձնարարում է, իսկ Կատարողը ստանձնում է Պատվիրատուի կողմից հատկացված միջոցներն ուղղել «Բաժանորդային համակարգի ներդրում» ծրագրի շրջանակներում 2021 թվականի երկրորդ կիսամյակի ծախսերի փոխհատուցմանը՝ համաձայն ՀՀ կրթության, գիտության, մշակույթի և սպորտի նախարարի 2022 թվականի փետրվարի 23-ի N 326-Ա/2 հրամանով հաստատված ծրագրի և պայմանագրի անբաժանելի մաս կազմող հաշվարկի (Հավելված):

**2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ**

**2.1 Պատվիրատուն պարտավոր է՝**

2.1.1. Հատկացնել գումարը «ՀՀ 2021 թվականի պետական բյուջեի մասին» ՀՀ օրենքի «1168. Արվեստների ծրագրի» «11005.Մշակութային միջոցառումների իրականացում» միջոցառման «Բաժանորդային համակարգի ծրագիր» տողով ՀՀ կրթության, գիտության, մշակույթի և սպորտի նախարարությանը նախատեսված անհատույց դրամաշնորհների հաշվին,

2.1.2. Պայմանագրի 6.1-ին կետով սահմանված ժամկետում ընդունել Կատարողի կողմից Պայմանագրի 2.3.2-րդ ենթակետով սահմանված կարգով ներկայացված հաշվետվությունները, ստորագրել հանձնման-ընդունման արձանագրությունը:

**2.2. Պատվիրատուն իրավունք ունի՝**

2.2.1. Ցանկացած ժամանակ (պարբերաբար), առանց որևէ սահմանափակումների, ստուգել Կատարողի կողմից Պայմանագրի կատարման ընթացքը՝ չմիջամտելով վերջինի գործունեությանը:

2.2.2. Կատարողի կողմից Պայմանագրի 2.3-րդ կետով նախատեսված պարտավորությունները չկատարելու դեպքում հետ պահանջել փոխանցված գումարը, միակողմանի լուծել Պայմանագիրը՝ դադարեցնելով պայմանագրով իր վրա դրված պարտավորությունների կատարումը:

2.2.3. Պայմանագրի 6.1-ին կետով սահմանված ժամկետում Կատարողից պահանջել ներկայացնել Պայմանագրի 2.3.2-րդ ենթակետով նախատեսված հաշվետվությունը:

**2.3. Կատարողը պարտավոր է՝**

2.3.1. Պայմանագրից բխող աշխատանքներն իրականացնել՝ ապահովելով Պայմանագրի այլ պարտադիր պահանջները,

2.3.3. Մինչև Պայմանագրի 6.1-ին կետով սահմանված ժամկետի ավարտը Պատվիրատուին ներկայացնել հաշվետվություն (ֆինանսական և բովանդակային) իր կողմից իրականացված ծախսերի և կատարված աշխատանքի մասին: Ֆինանսական հաշվետվությունը պարունակում է հաշվարկի Պատվիրատուի կողմից հաստատված ձևանմուշով լրացված ձևը (հաշվարկի

ծախսերը հիմնավորող հաշվապահական և այլ փաստաթղթերը գտնվում են Կատարողի մոտ), իսկ բովանդակայինը՝ ամբողջական տեղեկատվություն միջոցառման իրականացման և ընթացքի մասին, այդ թվում արդյունքների գնահատումը, մասնակիցների քանակը՝ կցելով էլեկտրոնային կրիչներ՝ լուսանկարներ, հրավիրատոմսեր և այլն),

2.3.4. Հրապարակել Պատվիրատուի անունը, իսկ համաֆինանսավորման դեպքում տրամադրել ամբողջական տեղեկությո՝ աջակցող կազմակերպության, ֆինանսավորման չափի և վերջինիս հետ ձեռք բերված այլ պայմանավորվածությունների մասին:

2.3.5. Պայմանագրի անբաժանելի մաս կազմող հավելվածի համաձայն կնքել գումարի փոխհատուցման պայմանագրեր նշված կազմակերպությունների հետ, բացառությամբ «Ա. Իսահակյանի տուն-թանգարան» ՊՈԱԿ-ի հետ:

#### **2.4. Կարարողը իրավունք ունի՝**

2.4.1. Պատվիրատուի կողմից Պայմանագրի 2.1.1-ին ենթակետով նախատեսված պարտավորությունները չկատարելու դեպքում միակողմանի լուծել Պայմանագիրը՝ դադարեցնելով Պայմանագրով իր վրա դրված պարտավորությունների կատարումը:

### **3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՈՒՄՆԵՐԻ ԿԱՐԳԸ**

3.1. Պայմանագրի 1.1-ին կետում նշված աշխատանքների իրականացման համար Պատվիրատուն Կատարողին հատկացնում է 9924.5 հազար (ինը միլիոն ինը հարյուր քսանչորս հազար հինգ հարյուր) դրամ (ներառյալ հարկերը, տուրքերը և պարտադիր այլ վճարները):

3.2. Պայմանագրի 3.1-ին կետում սահմանված գումարի 8270.4 հազար դրամը Կատարողին հատկացվում է Պայմանագրի կնքումից հետո, իսկ 1654.1 հազար դրամ գումարը Պայմանագրի 4.1-ին կետով նախատեսված հանձնման-ընդունման արձանագրությունը ստորագրելուց հետո՝ Կատարողի գանձապետական հաշվեհամարին փոխանցելու միջոցով:

3.3. Համաձայն «ՀՀ 2022 թվականի պետական բյուջեի մասին» ՀՀ օրենքի 7-րդ հոդվածի 22-րդ կետի՝ հաշվարկված ԱԱՀ-ի գծով լրացուցիչ հատկացումները չեն կարող ուղղվել այլ նպատակների և չօգտագործված գումարները 2022 թվականի ընթացքում ենթակա են վերադարձման ՀՀ պետական բյուջե:

### **4. ԱՇԽԱՏԱՆՔՆԵՐԻ ԸՆԴՈՒՆՄԱՆ ԿԱՐԳԸ**

4.1. Պայմանագրի 1.1.-ին կետում նշված և ամբողջությամբ կատարված աշխատանքները Կատարողի կողմից ներկայացվում են Պատվիրատուի ընդունմանը ոչ ուշ, քան Պայմանագրով սահմանված ժամկետում: Պատվիրատուի կողմից դրանց ընդունման դեպքում այդ մասին կազմվում է ընդունման-հանձնման արձանագրություն:

4.2. Մինչև Պայմանագրի 1.1.-ին կետում նշված աշխատանքների ընդունման- հանձնման արձանագրության ստորագրումը Կատարողը պետք է Պատվիրատուին ներկայացնի Պայմանագրի կատարմանն ուղղված՝ իր կողմից փաստացի կատարված ծախսերի վերջնահաշվարկը:

### **5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ ԵՎ ՊԱՅՄԱՆԱԳԻՐԸ ԴԱԴԱՐԵՑՆԵԼՈՒ ԿԱՐԳԸ**

5.1. Պայմանագրով նախատեսված պարտավորությունները կողմերը պարտավոր են կատարել պատշաճ և սահմանված ժամկետներում: Դրանք ոչ պատշաճ կամ ժամկետանց կատարելու, չկատարելու կամ կատարելուց խուսափելու դեպքում, ինչպես նաև իրենց գործողություններով կամ անգործությամբ Պայմանագրի կատարման համար խոչընդոտներ ստեղծելու, մյուս կողմին վնաս պատճառելու համար կողմերից յուրաքանչյուրը

պատասխանատվություն է կրում մյուս կողմին պատճառած վնասների լրիվ ծավալով՝ օրենքով սահմանված կարգով:

5.2. Պայմանագիրը կարող է վաղաժամկետ լուծվել Կողմերից որևէ մեկի նախաձեռնությամբ՝ մյուս կողմի՝ Պայմանագրի պայմանները խախտելու դեպքում: Այդ ժամանակ նախաձեռնող կողմը պետք է ստանա վնասների լրիվ չափով փոխհատուցում:

5.3. Պայմանագիրը վաղաժամկետ դադարեցնելը կամ լուծելը Կողմերից որևէ մեկի համար այն կատարել շարունակելն աննպատակահարմար լինելու դեպքում կամ այլ պատճառաբանությամբ չի թույլատրվում: Նման դեպքում Կողմն իրավունք ունի կամ ստանալ Պայմանագրի 3.1.-ին կետով նախատեսված գումարի լրիվ փոխհատուցումը, կամ պահանջել Պայմանագրի հարկադիր կատարումը:

5.4. Պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում Կատարողը Պատվիրատուին վճարում է տույժ՝ պայմանագրի գնի 0.05 (հինգ հարյուրերորդական) տոկոսի չափով՝ ուշացված յուրաքանչյուր աշխատանքային օրվա համար:

### 6. ՊԱՅՄԱՆԱԳՐՈՎ ՆԱԽԱՏԵՍՎԱԾ ԱՇԽԱՏԱՆՔԻ ԿԱՏԱՐՄԱՆ, ՀԱՇՎԵՏՎՈՒԹՅՈՒՆՆԵՐԻ ՆԵՐԿԱՅԱՑՄԱՆ ԺԱՄԿԵՏԸ

6.1. Պայմանագրով նախատեսված աշխատանքների հաշվետվությունների ներկայացման ժամկետը մինչև 2022 թվականի ապրիլի 15-ն է:

6.2. Պայմանագիրը ուժի մեջ է մտնում Կողմերի ստորագրման պահից և գործում է մինչև Կողմերի պարտավորությունների ողջ ծավալով կատարման ավարտը:

### 7. ՎԵՃԵՐԻ ԼՈՒԾՄԱՆ ԿԱՐԳԸ

7.1. Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերվելու դեպքում վեճերը լուծվում են օրենքով սահմանված կարգով:

### 8. ԱՅԼ ՊԱՅՄԱՆՆԵՐ

8.1. Պայմանագիրը կազմված է 5 թերթից, կնքվում է 2 օրինակից, որոնք ունեն հավասարազոր իրավաբանական ուժ:

8.2. Սույն պայմանագրում լրացումներ ու փոփոխություններ կատարելու վերաբերյալ համաձայնությունները կազմվում են գրավոր և հաստատվում են Կողմերի ստորագրությամբ:

### 9. ՏԵՂԵԿՈՒԹՅՈՒՆՆԵՐ ԿՈՂՄԵՐԻ ՄԱՍԻՆ

#### ՊԱՏՎԻՐԱՏՈՒ՝

ՀՀ կրթության, գիտության, մշակույթի և սպորտի նախարարություն  
Երևան, Վ. Սարգսյան 3  
Կառավարական տուն N 2

ՀՀ ՖՆ գործառնական վարչություն  
Հ/Ը 900011032878, հվհհ 02698732

Պատվիրատուի ստորագրությունը  
Գլխավոր քարտուղար՝

**Գ. Սաֆարյան**

Կ. Տ.

#### ԿԱՏԱՐՈՂ՝

«Ա. Իսահակյանի տուն-թանգարան»  
ՊՈԱԿ

ՀՀ, ք. Երևան, Զարոբյան 20  
ՀՀ ՖՆ գործառնական վարչություն  
հ/հ 900018001439 ՀՎՀՀ 00021944

հեռ. (010) 562-424

տնօրեն՝ **Ա. Խորենյան**



**Հաշվարկ  
արձեռնանշանային ծրագրի 2021 թվականի երկրորդ կիսամյակի  
ծախսերի փոխհատուցման (թանգարաններ)**

| N  | Կազմակերպության անվանումը  | Աշակերտների քանակ | Ուսուցիչների քանակ | Ընդհանուր | Հատկացվող գումարը (հազ. դրամ) |
|----|--|-------------------|--------------------|-----------|-------------------------------|
| 1  | «Մատենադարան. Մ. Մաշտոցի անվան հնագույն ձեռագրերի գիտահետազոտական ինստիտուտ» հիմնադրամ   | 1897              | 187                | 2084      | 625,2                         |
| 2  | «Հայաստանի բնության պետական թանգարան» ՊՈԱԿ   | 348               | 31                 | 379       | 113,7                         |
| 3  | «Դիլիջանի երկրագիտական թանգարան» ՀՈԱԿ  | 140               | 17                 | 157       | 47,1                          |
| 4  | «Սարդարապատի հերոսամարտի հուշահամալիր, Հայոց ազգագրության և ազատագրական պայքարի պատմության ազգային   | 628               | 44                 | 672       | 201,6                         |
| 5  | «Գյումրու ժողովրդական ճարտարապետության և քաղաքային կենցաղի թանգարան» ՊՈԱԿ /Ձիթողջյանների տուն/   | 1301              | 62                 | 1363      | 408,9                         |
| 6  | «Կոմայրի» պատմամշակութային արգելոց-թանգարան ՀՈԱԿ-ի կազմում գործող «Գյումրու պատմության թանգարան»   | 202               | 0                  | 202       | 60,6                          |
| 7  | «Ավետիք Իսահակյանի տուն-թանգարան» ՀՈԱԿ   | 764               | 98                 | 862       | 258,6                         |
| 8  | «Սիեր Մկրտչյան թանգարան» ՀՈԱԿ  | 2230              | 174                | 2404      | 721,2                         |
| 9  | «Սարիամ և Երանուհի Ասլամազյան քույրերի պատկերասրահ» ՀՈԱԿ   | 125               | 10                 | 135       | 40,5                          |
| 10 | «Հովհաննես Շիրազի հուշատուն-թանգարան» ՀՈԱԿ   | 2063              | 121                | 2184      | 655,2                         |
| 11 | «Երևան քաղաքի պատմության թանգարան» ՀՈԱԿ  | 787               | 42                 | 829       | 248,7                         |
| 12 | «Էրեբունի» պատմահնագիտական արգելոց-թանգարան ՀՈԱԿ   | 1013              | 0                  | 1013      | 303,9                         |
| 13 | «Ն. Ադոնցի անվան Սիսիանի պատմության թանգարան» ՊՈԱԿ   | 297               | 32                 | 329       | 98,7                          |
| 14 | «Եղեգնաձորի երկրագիտական թանգարան» ՀՈԱԿ  | 125               | 0                  | 125       | 37,5                          |
| 15 | «Ստեփանավանի մշակույթի և ժամանցի կենտրոն» ՊՈԱԿ   | 184               | 18                 | 202       | 60,6                          |
| 16 | «Հայաստանի ազգային պատկերասրահ» ՊՈԱԿ (Արա Սարգսյանի և Հակոբ Կոջոյանի տուն-Թանգարան, Գևորգ Գրիգորյանի (Ջոտո) արվեստանոց-թանգարան, Սիեր Աբեղյանի թանգարան, Էջմիածնի պատկերասրահ, Հրաչյա Բունիաթյանի անվան Գավառի պատկերասրահ, Եղեգնաձորի պատկերասրահ, Ջերմուկի պատկերասրահ, Ալավերդու պատկերասրահ, Մինաս Ավետիսյանի թանգարան, Մարտունու պատկերասրահ) | 619               | 39                 | 658       | 197,4                         |
| 17 | «Ե. Չարենցի անվան գրականության և արվեստի թանգարան» ՊՈԱԿ և մասնաճյուղեր (Հովհաննես Թումանյանի տուն-թանգարան, Ս. Կապուտիկյանի տուն-թանգարան, Պ. Պողոսյանի տուն-թանգարան)   | 3026              | 209                | 3235      | 970,5                         |
| 18 | «Հ. Շարամբեյանի անվան ժողովրդական ստեղծագործության կենտրոն» ՊՈԱԿ   | 392               | 28                 | 420       | 126                           |
| 19 | Պատմամշակութային արգելոց-թանգարանների և պատմական միջավայրի պահպանության ծառայություն («Ձվարթնոց» պատմամշակութային արգելոց-թանգարան, «Գառնի» պատմամշակութային արգելոց-թանգարան, «Ամբերդ ամրոց» պատմամշակութային արգելոց, «Լոռի բերդ» քաղաքատեղի» պատմամշակութային արգելոց)  | 1117              | 74                 | 1191      | 357,3                         |
| 20 | «Եղիշե Չարենցի տուն-թանգարան» ՊՈԱԿ   | 537               | 66                 | 603       | 180,9                         |

|    |   |              |             |              |               |
|----|---|--------------|-------------|--------------|---------------|
|    | «Երվանդ Քոչարի թանգարան» ՊՈԱԿ   | 36           | 3           | 39           | 11,7          |
| 23 | «Ա. Փարաջանովի թանգարան» ՊՈԱԿ   | 252          | 15          | 267          | 80,1          |
| 24 | «Ավ. Իսահակյանի տուն-թանգարան» ՊՈԱԿ   | 666          | 56          | 722          | 216,6         |
| 25 | «Ռուսական արվեստի թանգարան (պրոֆ. Ա. Արրահամյանի հավաքածու)» ՊՈԱԿ   | 34           | 2           | 36           | 10,8          |
| 26 | «Հովհաննես Թումանյանի թանգարան» ՊՈԱԿ  | 3855         | 186         | 4041         | 1212,3        |
| 27 | «Ա. Սպենդիարյանի տուն-թանգարան» ՊՈԱԿ  | 292          | 17          | 309          | 92,7          |
| 28 | «Օրբելի եղբայրների տուն-թանգարան» ՊՈԱԿ  | 501          | 46          | 547          | 164,1         |
| 29 | «Հրազդանի երկրագիտական թանգարան» ՊՈԱԿ   | 48           | 2           | 50           | 15            |
| 30 | «Ի. Աբովյանի տուն-թանգարան» ՊՈԱԿ  | 86           | 10          | 96           | 28,8          |
| 31 | Կոմիտասի թանգարան -ինստիտուտ» ՊՈԱԿ  | 381          | 21          | 402          | 120,6         |
| 32 | «Ժամանակակից արվեստի թանգարան» ՀՈԱԿ   | 109          | 9           | 118          | 35,4          |
| 33 | «Գեղարքունիքի երկրագիտական թանգարան» ՊՈԱԿ   | 221          | 13          | 234          | 70,2          |
| 34 | Հայաստանի ազգային գրադարանի գրատպության թանգարան  | 25           | 2           | 27           | 8,1           |
| 35 | Հայաստանի գիտությունների ազգային ակադեմիայի «Երկրաբանական գիտությունների ինստիտուտ» ՊՈԱԿ-ի Հ. Կարապետյանի անվան երկրաբանական թանգարան | 273          | 26          | 299          | 89,7          |
| 36 | «Մ. Սարյանի տուն-թանգարան» ՊՈԱԿ   | 378          | 18          | 396          | 118,8         |
| 37 | «Լոռի-Փամբակ երկրագիտական թանգարան» ՊՈԱԿ  | 43           | 5           | 48           | 14,4          |
| 38 | «Ստ. Զորյանի տուն-թանգարան» ՀՈԱԿ  | 183          | 11          | 194          | 58,2          |
| 39 | «Կառլոս Աբովյանի անվ. կերպարվեստի թանգարան» ՀՈԱԿ  | 165          | 7           | 172          | 51,6          |
| 40 | «Հայաստանի պատմության թանգարան» ՊՈԱԿ  | 209          | 14          | 223          | 66,9          |
| 41 | «Կապանի երկրագիտական թանգարան» ՊՈԱԿ   | 88           | 10          | 98           | 29,4          |
|    | <b>Ընդամենը՝</b>  | <b>25829</b> | <b>1739</b> | <b>27568</b> | <b>8270,4</b> |
|    | <b>ԱԱՀ*</b>   |              |             |              | <b>1654,1</b> |
|    | <b>ԸՆԴԱՄԵՆԸ, ներառյալ ԱԱՀ</b>   |              |             |              | <b>9924,5</b> |

\* ԱԱՀ-ի գծով լրացուցիչ հավելացումները որպես հարկային պարտավորություն ենթակա են վճարման Կազարոզի կողմից որպես ԱԱՀ, հակառակ դեպքում ենթակա են վերադարձման ՀՀ պետական բյուջե:

**ՊԱՏՎԻՐԱՏՈՒ՝**

ՀՀ կրթության, գիտության, մշակույթի և սպորտի նախարարություն  
 Երևան, Վազգեն Սարգսյան 3  
 Կառավարական տուն 2  
 ՀՀ ՖՆ գործառնական վարչություն  
 Հ/Կ 900011032878 ՀՎՀՀ 02698732

Գլխավոր քարտուղար՝

**Գ. Սաֆարյան**



**ԿԱՏԱՐՈՂ՝**

«Ա. Իսահակյանի տուն-թանգարան» ՊՈԱԿ  
 ՀՀ, ք. Երևան, Զարրոյան 20  
 ՀՀ ՖՆ գործառնական վարչություն  
 հ/հ 900018001439 ՀՎՀՀ 00021944  
 հեռ. (010) 562-424  
 տնօրեն՝ *Ա. Խորենյան* Ա. Խորենյան

